

Votaziuns federalas dils 24 da november 2024

L'urna principala en casa communal ei aviarta sco suonda:
Dumengia, 24-11-2024, 09.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton sil pli tard entochen venderdis, ils 22 da november 2024, allas 14.00, tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 24 da november 2024 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damondas da baghegiar

2023-1018.002

Datum dalla publicaziun: 22 da november 2024

Il patrun: Recal SA, Via dalla Stampa 8, 7180 Disentis/Mustér
Representant: ipz ingenieure + planer ag, Via Sursilvana 11, 7180 Disentis/Mustér
Intenziun: Niev implont da scaldar a distanza; midada da project cun adattaziuns tecnicas
Parcella: 3991
Adressa: Via Prau 4
Zona: Zona da mistregn
Zona da prighel: Negina zona da prighel

2024-1097.000

Datum dalla publicaziun: 22 da november 2024

Patrun: Mustafa Ayhan, Via Alpsu 6, 7180 Disentis/Mustér
Representant: Mustafa Ayhan, Via Alpsu 6, 7180 Disentis/Mustér
Intenziun: Sanaziun dalla habitaziun el plaunterren cun remplazzament dallas finiastras e dalla porta garascha
Edifeci nr.: 221j
Parcella: 626 Adressa: Via Alpsu 31, 7180 Disentis/Mustér
Zona: Zona da habitar mischedada (HM3)
Zona da prighel: Negina zona da prighel

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu las suandontas lubientschas da baghegiar

Nr. 2024-1056.000

Gianna Manetsch, Via Alpsu 8, 7180 Disentis/Mustér; Midada d'intent el senn dil dretg funsil puril, parcelas nr. 2327/3633, Caischavedra, 7180 Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2024-2089.000

ipz ingenieure+planer ag, Via Sursilvana 11, 7180 Disentis/Mustér; Serrar giu hermeticamein ils mirs sut tiara dalla casa existenta, parcella nr. 978, Scaletta, Via Veier 1, 7180 Disentis/Mustér

Nr. 2024-2092.000

Scola da skis, Flepp Giusep, Via Sax 1, 7180 Disentis/ Mustér; Ereger in palancau provisorio sco rampa per scola da skis prov. naven 5-11-2024 entochen 15-03- 2025, parcella nr. 1552, Cafeni, 7180 Disentis/Mustér

Nr. 2024-2093.000

Schweizerische Eidgenossenschaft, VBS c/o armasuisse immobilien, Staatsstrasse 100, 8887 Mels; Remplazzar la finiastra cun ina finiastra nova dil luvratori, parcella nr. 1580, Cuoz, Gassa da Cuoz 1, 7180 Disentis/Mustér

Seivs mobilas per la pasculaziun

Tenor art. 75, al. 1 dalla lescha da baghegiar ed art. 18 al. 1 dalla lescha d'agricultura ston tuttas seivs mobilas vegnir allontanadas sil pli tard treis dis suenter la pascu laziun. Quei vala era per seivs da gatter. Las seivs buc allontanadas vegnan pridas naven senza avisar ils pertuccai sin donn e cuost dil proprietari da terren.

Nus supplichein da prender enconuschientscha da quei fatg e d'instradar las mesiras prescettas.

Uffeci infrastruttura e baghegiar

Serrada dalla Via dils Puozs

Muort lavurs construcziun vid la reit da tensiun aulta sto la Via dils Puozs vegnir serrada. Prevedentamein naven dils 11 entochen ils 20 da november 2024. La serrada da senda vegn signalisada. Bien engraziament per la capientscha.

Uffeci infrastruttura e baghegiar

Suprastonza communal – Repartiziun dils departaments per la perioda d’uffeci 2025/2028

La suprastonza communal eligida per la perioda d’uffeci 2025/2028 ei seconstituida ed ha repartiu suandontamein ils departaments:

René Epp, president communal

Administraziun, finanzas ed economia

- administraziun/finanzas
- cudisch funsil
- economia
- persunal
- survetsch polizial
- survigilonza giuridica
- turissem

Clemens Berther, gerau Forestalesser ed agricultura

- agricultura
- Center Fontauna
- forestalesser
- megliazziuns
- menaschi tecnic (lurvatori communal)
- vias forestalas e funsilas

Wendelin Jacomet, gerau Baghegiar ed infrastruttura

- edifecis communalas
- punts e repars
- traffic
- uffeci da baghegiar
- vias, illuminaziun publica

Jris Lombris, geraua Sanadad, scolaziun, giuventetgna, cultura e sport

- Center da sanadad PUNTREIS
- cultura
- formaziun professiunala
- ovras socialas
- scolas
- SENIORA-CA
- Spital regional Surselva
- sport
- temps liber
- tgira ambulonta

Paul Flurin Schmidt, gerau Ambient e segirtad

- deponias ed explotaziun da glera
- dismessa da rumians e cadavers
- militar
- polizia da fiug
- protecziun civila
- providiment e purificaziun dallas auas
- pumpiers
- santeri

Suprastonza communal

Pigniel da Nadal 2024

Il menaschi tecnic dalla vischnaunca da Mustér organisescha uonn la vendita da pigneuls da Nadal. Ei vegn vendiu pignola mo sin empustaziun. Il pigniel sa vegnir retratgs **ils 20 da december 2024** naven dallas 09.00–14.00 avon il luvratori dil menaschi tecnic a Cuoz. Sin giavisch e per in prezi surpli da frs. 5.– vegn il pigniel era furnius avon casa.

Il pigniel sa vegnir empustaus cul talun aschuntau **entochen ils 6 da december 2024**:

Adressa:

Uffeci forestal Disentis/Mustér
Caum postal 57, 7180 Disentis/Mustér
Telefon 081 920 36 36,
Mail: uflepp@disentis.ch

Talun d'empustaziun

Num:

Prenum:

Adressa:

Telefon:

Pégn (Rottanne)

1.10 – 1.50 m CHF 28.– ___ tocs

1.60 – 2.00 m CHF 31.– ___ tocs

2.10 – 2.50 m CHF 35.– ___ tocs

Pégn da Nordmann

1.10 – 1.50 m CHF 43.– ___ tocs

1.60 – 2.00 m CHF 58.– ___ tocs

2.10 – 2.50 m CHF 80.– ___ tocs

Bien engraziament!

Uffeci forestal Disentis/Mustér

Mortori

Franz Berther-Caduff, naschius ils 24 da matg 1944, morts ils 13 da november 2024

Pleiv reformada dalla Cadi

Invitaziun alla **radunonza generala** dalla pleiv reformada.
Mira sut pagina d'internet www.auaviva-cadi.ch

Evangelisch-Reformierte Kirchgemeinde Cadi

Ordentliche Kirchgemeindeversammlung, Sonntag, 24. November 2024 um 11.10 Uhr im
Kirchgemeindezentrum AUA VIVA in Disentis.

Liebe Kirchgemeindemitglieder. Der Kirchgemeindevorstand lädt alle recht herzlich zu unserer
Frühjahrsversammlung ein. Nach dem offiziellen Teil laden wir euch gerne noch zu einem kleinen Umtrunk
ein!

Traktanden:

1. Begrüssung
2. Wahl der Stimmenzähler/Innen
3. Genehmigung des Protokolls der Kirchgemeindeversammlung vom 14.04.2024
4. Bestätigung des Steuersatzes 2025
5. Budget 2025
6. Bericht Vorstand
7. Bericht Pfarramt
8. Bericht Fundaziun Tür auf - mo vinavon
9. Anträge – Antrag Erika und Toni Schneider: Re-Installation der Sisyphos-Skulptur – Antrag Erika und Toni Schneider: Entfernung Metall-Kühe Infos und Varia
10. Infos und Varia

Alle Unterlagen zur Versammlung sind ab 12. November 2024 aufgeschaltet auf www.auaviva-cadi.ch

Der Kirchgemeindevorstand: Hans Möckli, Jeannette Venzin, Susanne Strupler, Tina Bundi und Christian Gerber

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Quellas lavurs ston esser finidas sil pli tard entochen la fin da november 2024. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Uffeci infrastruttura e baghegia

Biblioteca populara Disentis/Mustér e contuorn

Zambergiar cartas da Nadal Neu era ti en biblioteca e zambregia cartas da Nadal cun pupi da cudischs vegls! Mesjamna, ils 4 da december 2024 allas 14.00–16.00.

Sin tia viseta selegra il team dalla biblioteca

Swisswool – rimnada da launa

Sonda, ils 30 da november 2024 pren Swisswool encunter launa nuorsa sin igl areal dil Barit Baubedarf SA, Plaun da Diras, 7180 Disentis/Mustér. 08.00–12.00: possessurs da nuorsas Sutsassiala 12.00–15.00: possessurs da nuorsas Sursassiala La launa vegn indemnisada sin il plaz.

Digital-Café a Mustér

Ei il mund mobil e digital terren niev per Vos? Haveis Vos damondas en connex cun Vies telefonin ni Vies laptop? Allora selegra la Crusch Cotschna Svizra Grischun da sustener Vos tier Vossas damondas digitalas. El Digital-CaféaMustér stattan giuvenils dil gimnasi dalla Claustra da Mustér **gievgia, ils 28-11-2024** dallas 16.30–18.30 en la Stiva Sogn Placi, a Vossa disposiziun. La participaziun ei gratuita ed ei drova negina annunzia. Ulteriuras informaziuns anfleis Vos sut www.srk-gr.ch ni contactei nus sut 081 258 45 84.

Corporaziun d'aua Spina da Vin, Disentis/Mustér

Invitaziun alla radunonza generala extraordinaria, mardis, ils 26 da november 2024, allas 20.15 en Sala Cumiera, Center Fontauna, Via Alpsu 51, 7180 Disentis/Mustér.

Tractandas:

1. Beinvegni
2. Elecziun da dus dumbravuschs
3. Preventiv 2025
4. Projects 2025
5. Orientaziuns
6. Varia

Tuttas commembras e tuts commembers ein cordialmein envidai e beinvegni.

Per la suprastonza, il president Aluis Flepp

Digital-Café a Mustér

Ei il mund mobil e digital terren niev per Vos? Haveis Vos damondas en connex cun Vies telefonin ni Vies laptop? Allora selegra la Crusch Cotschna Svizra Grischun da sustener Vos tier Vossas damondas digitalas. El Digital-CaféaMustér stattan giuvenils dil gimnasi dalla Claustra da Mustér **gievgia, ils 28-11-2024** dallas 16.30–18.30 en la Stiva Sogn Placi, a Vossa disposiziun. La participaziun ei gratuita ed ei drova negina annunzia.

Ulteriuras informaziuns anfleis Vos sut www.srk-gr.ch ni contactei nus sut 081 258 45 84

Vischinadi Segnas/Mumpé Tujetsch

Sentupada d'Advent a Segnas

Il vischinadi Segnas/Mumpé Tujetsch envida cordialmein ad ina sentupada d'Advent. Nus serimnein **sonda, ils 30 da november 2024 allas 16.00** giudem Cuoz e visitein silsuenter comunablamein las finiastras d'Advent. La finiziun ha liug el Camp Glaretsch, nua ch'in pign puschegn spetga sin pign e grond. Las finiastras san vegnir contempladas entochen Buania.

D'ina stedia participaziun selegra
Il cd'o e la suprastonza

CB Sedrun/Mustér

Il CB Sedrun/Mustér organisescha sonda, ils 30 da november 2024 ella Sala Fontauna a Mustér in grond lotto. Ei dat fetg bials premis en valeta da varga frs. 20 000.–. La prevendita entscheiva allas 18.00 ed il lotto allas 19:00. Il CB Sedrun/Mustér selegra sin stedia participaziun.

Inserat!

Vischinadi Segnas/Mumpé Tujetsch

Invit alla radunonza extraordinaria, venderdis, ils 29 da november 2024, allas 20.00 en casa da scola Segnas.

Tractandas:

- Informaziun davart «Abstellgleis Surselva», deponia MGB
 - Informaziun davart zona d'industria Marias Cordialmein envida la suprastonza
-

SENIORA-CA

Invitaziun

En buna cumpignia lein nus seniors e senioras 60+ dall'entira vischnaunca da Mustér guder in bien gentar d'Advent. Gievgia, ils 28 da november 2024 allas 12.00 ell'AUA VIVA.

Annunzia tochen mardis, ils 26 da november allas 11:00 a PUNTREIS sut 081 929 56 56. Gest indicar sche duvreis transport. Partenza allas 11:30 naven da PUNTREIS. Per ulteriuras informaziuns dat Linus Maissen 079 423 01 37 bugen scleariment. p.s. «Digital-Café» gievgia, ils 28-11-2024 dallas 16.30–18.30 en Stiva sogn Placi (claustra)

Preavis

Gievgia, ils 5 da december 2024 allas 14.00 film «GREINA» el Center sursilvan d'agricultura a Salaplauna (invitaziun suonda) Cordial beinvegni Team SENIORA-CA ***** Digital-Café a Mustér La Crusch Cotschna Svizra Grischnun organisescha ina purschida gratuita (Digital-Café) per seniors/senioras dallas vischnauncas Mustér/Tujetsch/Medel/Sumvitg/ Trun duront ils suandonts termins: gievgia, ils 28 da november 2024 dallas 16.30–18.30, ella Stiva Sogn Placi Informaziun: L'idea ei che giuvenils dil gimnasi dalla Claustra da Mustér stattan a disposiziun gratuitamein per damondas dil telefonin ni dil laptop. Pia in sustegn per damondas digitalas. Prendei la caschun!

Team SENIORA-CA

Sentupada cun Sontgaclau pils affons pigns

Bimbimbim – Sontgaclau vegn cun stgalin! Dalla proxima seruschnada vegn Sontgaclau sin viseta. Nus envidein tut ils affons entochen quater onns ensemen cun fargliused ina persuna carschida ad ina sentupada cun Sontgaclau sin plaz scola da Segnas. Suenter la viseta dat ei aunc in sitg cauld. Venderdis, ils 6 da december 2024 allas 9:45 plaz da scola Segnas - Artgin. Cuosts: 5.- per affon. Annunzias ein d'inoltrar entochen ils 29.11 tier Adela Bisquolm, 079 561 85 91 ni Carla Flury, 078 716 85 44. Nus se legrein sin vossa viseta!

Cordialmein envida

L'uniun da dunnas Disentis/Mustér, ressort affons
